

**DRUŠTVO BIBLIOTEKARA  
BOSNE I HERCEGOVINE**



***Etički kodeks  
bibliotekara  
Bosne i Hercegovine***

Etički kodeks bibliotekara  
usvojen je na godišnjoj konferenciji  
Društva bibliotekara  
Bosne i Hercegovine, u  
Tuzli 12. VII. 1997g.

REALISATION BY: *F.H.P. "Sahinpašić" d.o.o.*  
M. Tita 29/II, 71 000 Sarajevo, Bosnia & Herzegovina,  
Tel. ++ 387 71 64 48 50, 64 70 38, 21 05 30, 21 05 20, Fax: 66 88 56  
<http://www.btcsahinpasic.com>

## **ETIČKI KODEKS BIBLIOTEKARA BOSNE I HERCEGOVINE**

1.

*Bibliotekar obezbjeđuje najviši nivo usluga svim korisnicima biblioteke, postupa nepristrasno, te precizno, besprijekorno i uljudno odgovara svim zahtjevima korisnika u skladu sa mogućnostima svoje ustanove.*

2.

*Bibliotekar slijedi principe intelektualne slobode, te se energično suprostavlja bilo kakvom obliku cenzure bibliotečke grade, kao i drugim stručno neutemeljenim ograničenjima kako u korištenju, tako i u nabavci. Zalaže se za slobodu misli i slobodan tok informacija.*

3.

*Bibliotekar štiti pravo na privatnost i povjerljivost svakog korisnika biblioteke, posebno u pogledu tražene ili primljene informacije, te tražene, konsultirane i posudene bibliotečke grade.*

*Bibliotekar prihvata i poštuje prava intelektualnog vlasništva.*

4.

*Bibliotekar svoj odnos prema korisniku temelji na jednakopravnosti i na poštovanju, kako na stručnom, tako i na ličnom planu.*

*U odnosu prema saradnicima i kolegama pošten je, iskren i spreman na pomoć.*

*Sve nesporazume rješava u otvorenom i ravnopravnom dijalogu u okviru svoje institucije.*

5.

*Bibliotekar je dužan praviti razliku između ličnih uvjerenja i profesionalnih obaveza i ne dozvoljava da njegova lična uvjerenja dolaze u sukob sa korisnikom i institucijom u kojoj radi, niti da utiču na odnos prema građi koju čuva.*

6.

*Bibliotekar ne smije zloupotrebljavati svoju poziciju i ostvarivati finansijsku i materijalnu dobit na štetu korisnika, kolega ili institucije u kojoj je zaposlen.*

*Ne smije davati neprovjerene i netačne informacije korisnicima.*

7.

*Bibliotekar je dužan kontinuirano se obrazovati u struci, kako bi bio u stanju profesionalno odgovoriti zahtjevima savremenog bibliotekarstva.*

*Ulaže sve svoje sposobnosti u unapređenje struke i pomaže saradnicima i kolegama u profesionalnom razvoju.*

8.

*Poštivanje ovog kodeksa je moralna obaveza i profesionalna dužnost svakog bosansko-hercegovačkog bibliotekara.*

*Poštivanjem ovog kodeksa u svakodnevnoj praksi podiže se osnovni, naučni i kulturni nivo i doprinosi se unapređenju međuljudskih odnosa.*